

Broj: 05-02-4-550/26
Mostar, 10.04.2026. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 20-04-2026			
Org. jed.	Broj	Priloga	Vrijednost
05/1	-02-	129	/26

Bosna i Hercegovina
Federacija Bosne i Hercegovine
PARLAMENT FEDERACIJE
PREDSTAVNIČKI DOM
n/p gđe, Jasmina Biščević-Tokić, zastupnica

VLADA FEDERACIJE BiH
n/r g-đa, Edita Kalajdžić, sekretar Vlade

Predmet: **Zastupničko pitanje**, odgovor dostavlja se

Poštovani,

U prilogu akta Vlade Federacije Bosne i Hercegovine broj: 03-04-555-35/26 od 17.03.2026. godine, ovom Ministarstvu je na nadležno postupanje dostavljeno zastupničko pitanje koje je na 29. redovitoj sjednici Zastupničkog doma Parlamenta Federacije Bosne i Hercegovine, održanoj 11.03.2026. godine postavila uvažena zastupnica Jasmina Biščević-Tokić.

Odgovor:

U skladu sa Vašim traženjem, Federalno ministarstvo energije, rudarstva i industrije je Vaše pitanje uputilo na nadležno postupanje privrednom društvu Energoinvest d.d. Sarajevo, te Vam njihov odgovor dostavljamo u prilogu.

U skladu sa članom 31. Uredbe o organizaciji i regulaciji sektora gasne privrede ("Službene novine Federacije BiH", br. 83/07, 71/21 i 91/22), Vlada Federacije Bosne i Hercegovine, na prijedlog Federalnog ministarstva trgovine, uz prethodno pribavljeno mišljenje Federalnog ministarstva energije, rudarstva i industrije, reguliše cijenu prirodnog gasa za tarifne kupce koji obavljaju javnu uslugu u Federaciji Bosne i Hercegovine.

U tom procesu, uloga ovog Ministarstva ogleda se u davanju prethodnog stručnog mišljenja, zasnovanog na dostavljenim podacima, analizama tržišnih kretanja i važećem regulatornom okviru, dok konačnu odluku o cijeni donosi Vlada Federacije Bosne i Hercegovine.

Ministarstvo ne učestvuje u ugovornim odnosima niti direktno utvrđuje nabavne ili prodajne cijene prirodnog gasa, već svoju nadležnost ostvaruje kroz regulatorni i savjetodavni okvir.

Nabavna cijena prirodnog gasa u odnosu između Gazprom Export LLC i Energoinvest d.d. Sarajevo utvrđuje se u skladu sa važećim ugovorom, prema definisanoj formuli za svaki kvartal pojedinačno.

Cijena prirodnog gasa zavisi od kretanja cijena nafte i naftnih derivata na svjetskom tržištu, te se kvartalno koriguje u skladu sa promjenama ovih parametara. Isporučilac dostavlja koeficijent koji predstavlja aritmetički prosjek cijena za prethodni period i koji služi kao osnov za određivanje cijene za naredni kvartal.

Na formiranje konačne veleprodajne cijene utiču i dodatni elementi, uključujući kurs američkog dolara, troškove transporta, carinska davanja, bankarske provizije i administrativne troškove. Na tako formiranu cijenu saglasnost daje Vlada Federacije Bosne i Hercegovine.

U pogledu kretanja veleprodajnih cijena prirodnog gasa u 2025. godini, iste su utvrđivane odlukama Vlade Federacije Bosne i Hercegovine kako slijedi:

- Cijena prirodnog gasa za **I kvartal 2025. godine** iznosila je 808,85 KM/1000 Sm³, odnosno 0,80885 KM/Sm³ (Odluka Vlade FBiH V. broj 16/2025 od 23. januara 2025. godine, sa primjenom od 01.01.2025. godine), što predstavlja smanjenje od 2,00% veleprodajne cijene prirodnog gasa.
- Cijena prirodnog gasa se nije mijenjala za **II i III kvartal 2025. godine**.
- Cijena prirodnog gasa za **IV kvartal 2025. godine** iznosila je 795,67 KM/1000 Sm³, odnosno 0,79567 KM/Sm³ (Odluka Vlade FBiH V. broj 1588/2025 od 09. oktobra 2025. godine, sa primjenom od 01.10.2025. godine), što predstavlja smanjenje od 1,63% veleprodajne cijene prirodnog gasa.

Cijena prirodnog gasa za **I kvartal 2026. godine** iznosi 827,42 KM/1000 Sm³, odnosno 0,82742 KM/Sm³ (Odluka Vlade FBiH V. broj 116/2026 od 28. januar 2026. godine, sa primjenom od 01.01.2026. godine), što predstavlja povećanje od 3,99% veleprodajne cijene prirodnog gasa.

Uzimajući u obzir navedeno, dostavljeni odgovor Energoinvest d.d. Sarajevo daje dodatna pojašnjenja u vezi sa pitanjima koja se odnose na poslovne i operativne aspekte formiranja i primjene cijena prirodnog gasa.

S poštovanjem,

PRILOG:

- Dopis Energoinvesta, broj: KD/MU/-I-585/26-Sarajevo

Dostaviti:

- Naslovu,
- evidenciji i
- a/a

